

**Mateo 11:28-30 Tlang go nna bohole ba le lapišitšwego, ba le imelwago; nna ke tlo le khutšiša. 29 Le ithweše joko ya ka, le rutwe ke nna; gobane ke yo bolo le wa pelo e kokobetšego; mme le tlo hwetša khutšo ya meoya ya lena. 30 Gobane joko ya ka ga e robe, morwalo wa ka ke o bohwefe.**

**Genesi 2:7 Morena Modimo a na a bopa motho, lerole la mmu; mo dinkong tša gagwe a budulela moywa bophelo, motho a napa a ba moywa o phelago.**

**Genesi 34:2,3,8 Sikeme morwa wa Hemoro Mohefe kgoši ya naga yeo, a mmona, a mo swara, a mo kata, a mo senya. 3 Pelo ya gagwe yona ya dula e gomaretše Dina morwedi wa Jakobo, a rata mosetsana eo, mme a mmotša tša go mmea pelo. 8 Hemoro a bolela le bona a re: Pelo ya Sikeme morwa wa ka e gomaretše ngwana e wa lena; mo neeng hle, e be mosadi wa gagwe.**

**Numeri 21:4 Baisiraele ba tlogile Horoma ba fologa ka tsela ya Lehlakawatleng, ba šikologa naga ya Edomo; gomme tseleng setšhaba sa fela pelo.**

**Doiteronomio 4:29 Ge le le gona kua ke mo o tlogo nyaka Morena Modimo wa gago, mme o tlo mo hwetša, ka gobane o tlo ba o mo tsomeša ka pelo ya gago ka moka le ka moywa gago ka moka.**

**Baalhodi 16:16 Gomme, ka gobane a fela a mo phegelela ka dipolelo, a mo hlokiša khutšo, a ba a mo lapiša wa go se sa rata go phela.**

**1 Samuele 18:1 Ya re ge Dafida a feditše go bolela le Saulo, pelo ya Jonathane ya gomarelana le ya Dafida; Jonathane a mo rata bjalo ka ge a rata pelo ya gagwe.**

**1 Dikoši - Dikgoši 1:29 Kgoši ya ena ya re: Ka bophelo bja Morena Modimo a phološitšego moywa ka mo dikotsing ka moka,**

**2 Dikoši - Dikgoši 4:27 a re go fihla go monna wa Modimo, a mo gokara maoto; Gehasi a batamela, a re a mo gomiše. Monna wa Modimo a re: Mo lese, o nyamile; mme nna Morena o sa nkutetše taba ye; ga ešo a ntsebiša.**

**Jobo 7:11 Mme nna, molomo wa ka nka se o thibele; ge moywa ka o tlaletšwe, ke tla bua; ke tla bola tše di nkgalakago mo pelong.**

**Jobo 14:22 Bohloko o kwa bja nameng ya gagwe; go nyama pelo yagwe mo go yena.**

**Jobo 19:2 Le tlo kgaotša neng go hlokofatša pelo ya ka le go ntshetlaganya ka dipuo?**

**Jobo 27:2 Ka Modimo, e a ntahlilego kahlolong, ka Yomaatlaohle, monyamiša pelo ya ka!**

**Jobo 30:25 A ke be ke sa llele wa matšatši a mathata? A ke be ke sa kwele bahlaki bohloko?**

**Dipsaleme 6:3,4 Pelo ya ka e tšhogile kudu. Morena, gomme wena --? Go tlo feletša kae? 4 Boa, Morena, hlakodiša moyā wa ka; O mphološe ka ge o le yo botho.**

**Dipsaleme 7:1,2 Morena Modimo wa ka! Ke holofetše wena; ako ntlhakodiše diatleng tša bohole ba ba ntlhomarago, o mphološe. 2 Ba sa tlo nkgarola boka tau; ba sa tlo nkgagola go se na monamoledi.**

**Dipsaleme 17:13 Morena, nanoga, o gahlane nabo; ba digele fase, o hlakodiše moyā wa ka diatleng tša babe ka lerumo lago.**

**Dipsaleme 23:3 O lapološa moyā wa ka; o ntshepediša mmileng wa go loka ka baka la leina la gagwe.**

**Dipsaleme 25:20 Diša moyā wa ka o mphološe, gore ke se lewe ke dihlong, gobane ke botile wena.**

**Dipsaleme 33:19 Gore a phološe meoya ya bona lehung, a ba phediše tlaleng.**

**Dipsaleme 34:22 Bophelo bja balata bagwe Morena o tlo bo lokolla; bohole ba khutago ka yena ba ka se wele molatong.**

**Dipsaleme 35:12,13 Ba mpeka, nna mola ke ba atlile; ka šala le bodutu. 13 Nna, mola ba hlokofetše, ka apara boso, ka ithlokofatša ka ikona dijo; ka rapela ke ribamiša mahlo.**

**Dipsaleme 41:4 Nna ke re: Morena, nkaugele o mphodiše pelo, gobane ke go sentše.**

**Dipsaleme 42:5,11 Wena moyā waka! O itlhokofaletšang? O ferehlegelang teng ga ka? Bota Modimo! Ke sa tlo mo leboga ge a mphološitše ka sefahlego sa gagwe. 11 Wena moyā wa ka! O itlhokofaletšang? O ferehlegelang teng gaka? Bota Modimo! Ke sa tlo mo leboga ge a mphološitše sefahlego, yena Modimo wa ka. (Dipsaleme 42:6,11; 43:5)**

**Dipsaleme 56:13 Gobane o phološitše moyā wa ka wa se ke wa hwa, dinao tša ka tša se ke tša kgopša, ka kgona go sepela seetšeng sa ba phelago ke bonwa ke Modimo.**

**Dipsaleme 69:10 Sa ka ke go lla, le go ikona dijo; mme le tšona ke nyatšwa ka lebaka la tšona.**

**Dipsaleme 69:18 Batamela moyā wa ka o o lopolle ka lebaka la manaba a ka.**

**Dipsaleme 86:13 Gobane botho bjo o ntirago ka bjona ke bjo bogolo; o phološitše moyā wa ka sekoting sa budulabahu.**

**Dipsaleme 97:10 Hee lena barata Modimo, hloyang bobe. Ke yena molotodi wa meoya ya baratwa ba gagwe; o ba namolela diatleng tša bakgopo.**

**Dipsaleme 107:9 Ka gobane o horišwa moyā wo o lapilego, le moyā wa tlala o o tlatša tše di botse.**

**Dipsaleme 116:4 ka goelela leina la Morena, ka re: Hle Morena, phološa moyā wa ka!**

**Dipsaleme 116:8 O namoletše moyā wa ka diatleng tša lehu; o tlošitše mahlo a ka megokgong; o efošitše dinao tša ka boreledi.**

**Dipsaleme 119:28 Moya wa ka ge o hlokofetše ka go ja pelo, o ntsoše ka**

**Ientšu la gago.**

**Dipsaleme 120:2 Morena, ntlhakodiše melomong ya maaka, le lelemeng la go fora.**

**Dipsaleme 121:7 Morena o tlo go efoša bobe bjohle; o tlo leta moyā wa gago.**

**Dipsaleme 124:7 Meoya ya rena e phonyokgile bjalo ka nonyana ge e phonyokgile molabeng wa morei; lenti le kgaogile, mme rena re phologile.**

**Dipsaleme 138:3 O nkstile ge ke go bitša, wa mpha mafolofolo, maatla moyeng wa ka.**

**Diema 6:32 Ge e le e a otswago ke lešilo; e a dirago tše o itshenyetša bophelo.**

**Diema 22:25 O se tlo tlwaela mokgwa wagwe, ya tlo ba moreo o tlo go go tanya.**

**Jeremia 20:13 Hlabang sefela sa Morena le mo rete, monamolela phelo bja mmotlana diatleng tša mašaedi.**

**Jeremia 31:25 Ke mo ke phafogilego, ka lebaleba, ka kwa boroko bo ntsefetše.**

**Hesekiele 13:20,21 Bjale Morena Mong wa bohole o re: Tsebang gore ke tlo senya matsaka a lena a le tanyago meoya ka ona boka dirionyana; ke tlo a kgakgatholla matsogong a lena, ka tanyolla meoya ye le e tantšego bjalo ka dinonyana. 21 Dikuane tša lena ke tlo di gagola, ka namolela setšhaba sa ka diatleng tša lena, gore se se hlwe se dula se tantšwe ke bolena. Ke mo le tlogo lemoga ge Morena e le nna.**

**Mateo 10:28 Le se boife ba ba bolayago mmele, ba sa kgone go bolaya moyā; gagolo le boife Eo a kgonago go senya mmele le moyā moleteng wa mollo.**

**Mateo 16:26 Gobane motho go tlo mo holang ge a ka rua lefase ka moka mme a senyegelwa moyā wa gagwe? Goba motho a ka ntšhang sa go rekolla moyā wa gagwe? (Mareka 8:36,37)**

**Mateo 22:37 Jesu a fetola a re: Še, Morena Modimo wa gago o mo rate ka pelo ya gago ka moka, le ka moyā wa gago ka moka, le ka tlhaologanyo ya gago ka moka.**

**Mateo 26:38 A bolela le bona a re: Moya wa ka o nyamile ka gogolo wa go iša lehung; dulang fa le itiše le nna. (Mareka 14:34)**

**Mareka 12:30 Morena Modimo wa gago o mo rate ka pelo ya gago ka moka, le ka moyā wa gago ka moka, le ka tlhaologanyo ya gago ka moka, le ka matla a gago ka moka. Ke wona molao o mogolo.**

**Luka 12:20 Modimo a tla a re: O setlaela! Ka bjona bošego bja moyā wa gago o tlo tlošwa go wena; mme tše o di bolokilego e tlo ba tša mang?**

**Luka 21:19 Mme bophelo bja lena le tlo bo rua ka kgotlelelo.**

**Johane 12:27 Moya wa ka o huduegile. Gomme ke tlo reng? Tata! Mphološe nakong ye! Fela, ke tšona tše ke di tletšego nakong ye.**

**Ditiro tša BaApostola 14:22 Ba tšama ba tiiša dipelo tša barutiwa, ba ba kgothatša ba re ba tielele tumelong, ba re: Mmušong wa Modimo re tsena**

**ka ditlaišego tše ntši.**

**Ditiro tša BaApostola 15:24 Re kwele gore ba bangwe ba ba tšwilego go rena  
ba le belaeditše ba šišinya dipelo tša lena, ka go re le bolotšwe, le ye ka  
molao wa Moshe. Ba realo ba sa ka ba rongwa ke rena.**

**1 BaKorinthe 15:45 Bjalo ka ge go ngwadilwe gwa thwe: Motho wa pele,  
Adama, a napa a ba moyo o phelago, le Adama wa mafelelo yena ke moyo  
wo o phedišago.**

**1 BaThesalonika 5:23 Gomme yena Modimo Rakhutšo a le dire bakgethwa ba  
ruri; gore meoya ya lena, le dipelo tša lena, le mebele ya lena, ka moka di  
lotege moka, gore Mong wa rena Jesu Kriste ge a etla, a di hwetše di se ne  
bosodi.**

**BaHebere 6:19 Kholofelo ye eke ke yona thekgo e tiilego ya meoya ya rena,  
thekgo ye e sa tomogego, ye e tsemilwego kua Sekgethwakgethweng, go  
širilwego ke sešireletšo.**

**BaHebere 10:39 Gomme rena ga re ba go gomela morago le go yo lahlwa; re  
ba tumelo ya go yo rua bophelo.**

**Jakobo 1:21 Lahlang ge ditšila ka moka le bobe bjo bo sa šaletšego; gomme  
lentšu le le hlomilwego mo go lena le le amogele ka boleta; ke lona le  
kgonago go phološa meoya ya lena.**

**Jakobo 5:20 a tsebe gore e a gomišago modiradibe tseleng ye a timetšego ka  
yona, o phološa moyo wa motho eo lehung, mme o apeša bontši bja dibe.**

**1 Petro 1:9 Gobane le šetše le swere se tumelo ya lena e lebago sona,  
phološo ya meoya ya lena.**

**1 Petro 1:22 Tiišang go ratana ka pelotshekegi, ka ge dipelo tša lena di  
hlatswitšwe ke go kwa therešo ka Moya o išago leratanong le le se nago  
bomenetša,**

**1 Petro 2:11 Barategi! Ke a le rapela, lena bafaladi le baeng; ke re le ile  
ditumo tša nama tše di lošago moyo.**

**1 Petro 4:19 Ke gona ba ba hlokofatšwago ge go iwa ka thato ya Modimo, a ba  
gafele meoya ya bona yena Mmopi Mmotegi, ba fela ba dira gabotse.**

**2 Petro 2:7,8 a phonyokgiša Loto moloki, e a bego a tenegile ka mekgwa ya  
ditšila ya dilalogi tše. 8 Gobane motho eo wa moloki o lle pelo mola a  
agile le bona, a hlwa a bona a ekwa ge ba senya molao ka mediro ya bona.**

**3 Johane 1:2 Morategi! Ke go belaelela go letlegelwa ke tšohle le go phela o  
thabile, bjalo ka ge o letlegetšwe ke tša moyo.**